



Beschluß.

W An sagt recht vnd wol/ wie das irren menschlich seye/
 vnd allezeit vier oder mehr Augen weiters dann zwey
 sehen können/ darumb wollest verständiger lieber Leser dieses
 Büchlein / alles mit Christlicher liebe erwegen / vnd da du
 einen vngesehzen mangel oder irthumb hierinnen spürest o.
 der befindest/ nicht alsbalden mit abeln außmachen vnd bö.
 sen nachreden (nach der jetzigen Welt schlimmen gewonheit)
 gleichsamb mit grimmigen Zähnen in den Autorem fallen/
 noch viel weniger der schönen vnd bewärten Geometriæ die
 schuld geben/ sondern selbst mit aller Sanfftmuht vnd beschei.
 denlichem Zielmaß / corrigiren / ändern / verbessern / mehzen
 oder mindern/ in erwegung/ das in etlichmal beschehenem ab.
 schreiben vnd erweitern/ auch in so vil Signaturen der Buch.
 staben vnd zimlichen hauffen Zahlen/ oder auch bey der Tru.
 ckeren/ leichtlich ein vnwissender Irthumb kan eingeschlichen
 seyn/ welches ich dich hiemit zum Beschluß auch freundlich
 gebeten/ vnd mich dessen gegen vnd zu dir/ also zu gesche.
 hen/ gänstig vnd vnzweiffenlich verse.
 hen haben wil.

E N D E.

